



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 24. De Marscalci Tiadde traditione bonorum in villis Odenhus,
Dallengebudli et Boclo in pago Darlingo.

urn:nbn:de:hbz:466:1-36114

§. 24.

notitia de traditione, quam *Thiadde marscalcus* (O) fecit in pago *darlingo* (P) in uillis nuncupantibus *odenbus* (Q) et *dallengebudi* (R) et *boelo* (S), ea tamen ratione ut quam diu uixerit ipse possideat quod si filios habuerit irrita erit

gubernante Corbeiam Adalardo.

filiabus suis reliquit, quæque in pagis Derlingo, Norththuringi, Hardego et Falhen quoad maximam partem sita erant, eum in his pagis dominum fuisse, de quibus plura in sequentibus. Mansisse eum semper, posteaquam se semel eum patre suo *Hiddi* Carolo M. submiserat, eidem imperatori fidelem, confirmat originale diploma ipsius Karoli M. infra ex archiuo Corbeiensis afferendum. Quemadmodum enim hic imperator vir summi consilii et maximi animi erat, atque idcirco proceribus Saxonibus damna, quæ in isto teterrimo et periculissimo bello passi erant, bonis in Bocchonia, Hassia et Francia sitis, compensare solebat: sic etiam noster Hessi, quem diploma citatum *Afig* appellat, in Bocchonia et Hassia a Carolo M. quædam bona accepit, quæ ab ipso eiusque heredibus postea partim Fuldensi partim Corbeiensis monasteriis tradita fuerunt. Eundem vero *Afig* nostrum *Esconem* comitem seu *Hassionem* esse, infra tam clare elucebit, ut de eo amplius dubitari nequeat. Cum itaque patria nostri *Esconis* comitis fuerit in pagis Derlingo, Norththuringi, Hardego et Falhen, nihil videmus, quod nos impediatur, quo minus statuamus, sermonem esse de illo Ostfalarum duce Hessi in nostro paragrapho. Villam enim *Budinsfelde* refert *Saracho* abbas in suo Registro Bonorum et P. A. C. ad pagum *Hardego*. Atque hæc probabilissime est villa *Bothuelde* in montibus Harzicis, probe discernenda a *Budinsfelde* in pago Logne, a *Budineueldon* in pago Niththerse, a *Budineueldun* in pago Pathergo, atque a *Baldualdun* in pago Hessi Franconico. Villa *Budinsfelde* in pago *Hardego* est locus *Bothuelde*, in quo illustrissimus dux *Heinricus Leo*, cum accedere uellet ad curiam imperatoris in *Saluelde*, recipiendus ibi in plenam gratiam *FridERICI* cesaris, de equo corruit, atque ex contritione iube ab itinere, quod cæperat, impeditus est, sequenti uero die *Walkenred* deportatus, nuntios suos ad imperatorem ordinauit et destinauit, ipse autem in eodem loco graui ex lesione laborans infirmitate mansit, ut auctor *Chronici Stederburgensis* Tom. I. S. R. Brunf. Leibn. p. 866. latius narrat. Intercidit locus *Bothfelde*, curtis regia, seculo XIII. incolæ concesserunt in proximam *Elbingerodæ* urbem, cuius una porta adhuc uocatur *Bothfeldica*.

- (O) Hic se sinit nostris oculis quidam marscalcus. Sed, cuius marscalcus erat? quærimus. An imperatoris *Hludouici*? an imperii? an Corbeiensis abbatis *Adalardi*? an alterius? Quodnam erat munus huius marscalci? an stabularium? an iudicarium? Si ultimum, an iam tempore *Hludouici* iudicium marscalci, vulgo dictum *das Marschalls-Gerichte*, coram quo causæ nobilium dominorum disceptabantur, in terris *Brunswicensibus* in usu fuit? Multa hic habes, in quibus te exerceas, quæque, si uolis, cogites. Nos hac occasione intermittere non possumus, quin nouam proponamus quæstionem: an ab hoc marscalco *Thiadde*, *Thidi* villa, quæ ab *Heinrico II*, rege Romanorum, monasterio *Stederburgensi* anno 1002 fuit confirmata, in qua anno 1171 *Wernerus de Dalem* duos mansos et dimidium habebat, in qua anno 1319 *Stederburgense* monasterium castrum et sex mansos in campis ibidem sitos emebat, quæque hodierno die in uicinia urbis *Wolfenbittel* adhuc conspicitur, ædificata et castrum ibidem ab eius nomine appellatum sit. Sane enim ex hac traditione apparet, atque ex Traditionibus *Fuldensibus* æque, supra §. 15. et infra §. 35. adductis, didicimus, illum *Thiadde* marscalcum in pagis *Derlingo* et *Liergewe* ampla tenuisse prædia.
- (P) Situm pagi *Derlingo* iam supra §. 15. not. (w) ostendimus.
- (Q) Confer de hac villa supra §. 15.
- (R) Hodie locus appellatur *Dannenbittel*, in ducatu *Luneburgico* in præfectura *Gifhorn* ad *Aleram* situs.
- (S) Villa *Boelo* desolata est, quondam sita iuxta castrum *Gifhorn* in ducatu *Luneburgensi*.

De marscalco Thiadde

Ab anno 822 usque 826 imperante Hludouuico et gubernante Corbeiam Adalardo. erit traditio sin autem firma permaneat et post obitum marscalci II uillaf supradictaf dallengebudli et boclo et monasterium habitatores loci statim recipiat tertiam uero quae uocatur *odenbus* uxor eius usque ad obitum suum possideat post cuius obitum ad monasterium reuertatur hereditas et sunt ibi manentes *homines* (T) tam liti quam etiam serui XVIII testes hunc oro teodi isti adalheri ricbold maynulf aldulf meynheri hunold oddo ido suitger uualdric uuihric teto eilbert firio folcher tiadheri rotheri addric cio amalric beuo numero XXV.

§. 25.

Tradidit uuulhard in uilla nuncupante *honesleua* (U) quidquid ibi habuit testes *enno comes* (V) bacco hadulf filius tancult uualdman oflet osman (W) oio halmar uuilun uuidger geio eilhard tancred.

TRA-

De vocabulo *Hominis*.

(T) Vocabulum *hominis* in nostris documentis Corbeiensibus diuersimode usurpatur. In illis enim deprehendimus homines nobiles abbatiae Corbeiensis, quorum munus erat prouidere securitati et utilitati ecclesiae Corbeiensis, operamque dare regis interdum legationibus, ubi opus erat, exequendis, idcirco illis ab ipso imperatore Hludouuico datum erat, ne vnquam in expeditionem bellicam ire deberent, ut probant litterae infra §. 104. atque in Additamentis sub num. 1. adductae. Alii erant homines ingenui seu ministeriales, et longe honestiores, quam homines liti et serui. Hi erant glebae mancipati, dicunturque passim *Eromeggere*, *Huslude* et *egene Lude*. Si ergo *manentes homines* tam litos quam seruos verbis teutonicis exprimere satagis, dicendi essent: *Erbmeyer*, *Hausitzende* et *eigene Leute*.

De villa *Honesleua*.

(U) Villam *Honesleua* fuisse in pago *Northburingi*, refert abbas noster Saracho in Registro B. et P. A. C. Probabilissime ea erit *Hausleben* non procul ab vrbe Helmitadio.

De comite *Enno*, atque anno eodem mortuali S. Adalardi Corbeiensis abbatis.

(V) De *Enno comite* vid. supra §. 20. not. (G) Hic inter testes postrema vice reperitur, et in sequentibus traditionibus alios testes, et quidem e familia abbatum Corbeiensis *Warini*, sapissime deprehendimus. Coniucimus inde, S. *Adalardum* in vtraque Corbeia abbatem, post haec abiisse in Franciam, ubi in *Corbeia aurea triduo ante natalem domini febr. correptus, anno 826. secundo die Ianuarii dulcissime spiritum emisit supremum*, ut testantur Vitae *Adalardi* nostri in *Actis Sanctorum*, a Io. Bollandio et Godefr. Henschenio Antwerpiae 1643. editis 2 Ianuarii, quarum vna scripta a Paschasio Raberto, atque altera a S. Gerardo abbate Siluae Maioris, quae conferantur p. 109. seq. et p. 117. Discessio autem et mortuo S. *Adalardo*, *Enno comes* Corbeiam nostram nunquam rediisse videtur, et sine dubio non multo post in comitatu suo ex hac vita quoque migravit. Infra enim §. 64. eum iam inter mortuos deprehendimus. Interim nouam uolumus inchoare sectionem, et immutare annorum consignationem ad marginem adpositam.

(W) Hic deprehendimus iterum nomen inter Turcas usitatum.

